

Ang Pagbubukas ng Ikapitong Tatak na Ito

Apocalipsis 8:1,

“At nang buksan niya ang ikapitong tatak, ay nagkaroon ng katahimikan sa langit na may kalahating oras.”

Pakinggan ang sabi ng Propeta ng Diyos sa huling kapanahunan na ito:

Ngayon, ang ika-8 kabanata ay **naghahayag lamang ng isang eksena** tungkol sa Ikapitong Tatak kung saan wala ng iba pang bagay na ihahayag. Ngayon, **wala ng bagay na hindi pa hayag sa Ikapitong Tatak**. Ngayon, wala itong kinalaman sa ika-7 kabanata ng Apocalipsis. **Ang paghahayag ng Ikapitong Tatak ay sadyang tahimik**. At kung mayroon lamang sana akong oras – **sisikapin kung ipakita sa inyo sa ilang dako – upang ipakita sa inyo na mula sa Genesis ang Ikapitong Tatak ay ipinapangusap na**. Mula sa pasimula sa Genesis, ang ikapito--ang mga tatak na ito ay nagpasimula na.

Ngayon, napansin ba ninyo sa pagbubukas ng Ikapitong Tatak, ito’y nasa tatlong luping hiwaga. Ang bagay na ito na ipapangusap ko ay naipangusap ko na rin dati, na ito ay ang hiwaga ng pitong kulog. Ang pitong kulog sa langit ang magbubunyag sa hiwagang ito. Ito’y may kinalaman mismo sa pagdating ni Cristo, sapagkat ang sabi ni Cristo walang sinoman ang nakakaalam kung kailan siya darating. [1]

Aba, wala kahit sino, sa aking palagay, ikatlong bahagi ng buong lahi lamang ng Judio ang nakakaalam na narito na siya sa ibabaw ng lupa. Marahil ay may narining sila mula sa kung sinong panatiko, ngunit hindi nila ito pinagtuunan ng pansin, nagpatuloy lamang sila. *“Siya’y naparito sa sarili Niyang Kaniya, at Siya’y hindi tinanggap ng sarili Niyang Kaniya.” (Juan 1:11).*

Ngayon, iyan ang sinasampalatayanan ko... Ngayon, **hindi naman sinasabi na lihim ang pagdating Niya, bagkus ang pagagaw ang siyang lihim. Kaya nga kung ganiyan kasikreto ang pagparito Niya, gaano pa kaya kasikreto ng kaganapan tungkol sa pagagaw**. Kita n’yo? Nais nila na... Katotohanan lamang ang nais nilang saysayin, “Buweno, iniisip ko na dapat lang magkaroon ng isang pagagaw at ang matupad na ang paghuhukom sa ibabaw ng lupa.”

Ang sabi Niya, nangyari na ang bagay na ito, at hindi ninyonamalayan.” Ito’y darating—na tulad sa isang magnanakaw sa gabi (**Lucas 12:37-40; I Thes. 5:1-3**). [2]

Ngayon, **ang lihim na hiwaga ng Diyos na taglay na Niya bago pa itatag ang sanlibutan... Ngayon, doon sa kaisipan ng Diyos, may isang bagay na nais Niyang matupad at magawa**, at mayroon Siyang motibo tungkol sa bagay na ito, **upang maipahayag Niya ang Kaniyang Sarili**. Sapagkat una, wala pa noon kahit na buwan, bituin, atom, molekyul, o anoman; Siya ay Diyos na noon. Ngunit hindi pa Siya ganap na Diyos sa panahong iyon, sapagkat ang Diyos ay pinatutungkulan ng pagsamba, at wala pa noong sumasamba sa Kaniya. **Kaya nga sa**

dakila Niyang kaisipan ay nais Niyang ipamalas ang mga katangiang ito. At sa kalooban Niya ay pagibig; sa kalooban Niya ay ang pagiging Ama; sa kalooban Niya ay ang pagiging Anak; **sa kalooban Niya ay ang pagiging Tagapagligtas; sa kalooban Niya ay ang pagiging isang Manggagamot.** At ang lahat ng mga katangiang ito na ating nasaksihan, nasa Diyos na ito noon pa man.

Sa aking opinion, ang unang bagay na nilalang Niya ay mga Anghel (*Isaiah 6:1-4; Heb. 1:4-14 + 2:1-9*). At pagkatapos ay sinamba nila Siya at iyon ang nagpaging Diyos s Kaniya. At nagsimula Siya mula roon... **At ngayon, nung magsimula na sambahin Siya ng mga Anghel, iyon ay bago pa man magkaroon ng molekyul sa ibabaw ng lupa; wala pang kahit na anong bagay noon.** Pawang kadiliman; walang araw, o buwan man, walang mga bituin, walang kahit na ano; gayonman Siya ay Diyos na. Tulad ng tanungin Niya si Job, **“Saan ka nandoon nang ilagay ko ang mga patibayan ng lupa? Nang magsiawit na magkakasama ang mga bituing pangumaga. At ang mga anak ng Diyos ay naghihiyawan sa kagalakan?”** Kita n’yo? “Saan ka naroon?” Kita n’yo? Iyon ay noon pang bago magkaroon ng daigdig (*Job 38:4-7*).

Ngayon, **ang Diyos ay mayroong layunin at natatagong hiwaga.** At iyan ang bagay na nais kong ipangusap sa iglesia: **ang natatagong hiwaga ng Diyos na nasa Kaniyang kaisipan bago pa magsimula ang sanlibutan at iyan ay nalalantad sa kasalukuyang panahon na kinabubuhayan natin.** Kita n’yo? At mauunawaan ninyo ng malinaw, sa aking paniwala, kung ano ang naganap.

Ang dakilang hiwaga ng Diyos... Ito’y isang lihim. **Pinanatili Niyang lihim ang bagay na ito.** Walang sinoman ang nakakaalam tungkol sa bagay na ito; maging mga Anghel ay hindi nauunawaan ang bagay na ito. Kita n’yo? Hindi Niya ipinahayag ang bagay na ito. **Iyan ang dahilan kung bakit sa ilalim ng ikapitong hiwaga, nung mabuksan ang ikapitong tatak, nagkaroon ng katahimikan** (*Rev. 8:1*).

Si Jesus, nung narito sa ibabaw ng lupa, nais nilang malaman kung kailan Siya darating. Ang sabi Niya, “Maging ang Anak Mismo ay hindi nalalaman kung kailan magaganap ang bagay na ito.” (*Mat. 24:36; Mark 13:32*). Kita n’yo, **kinimkim ng Diyos ang lahat ng bagay na ito sa Kaniyang Sarili. Ito’y isang lihim. Iyan ang dahilan kung bakit nagkaroon ng katahimikan sa langit sa loob ng kalahating oras.** At Pitong Kulog ang umugong, at pinagbawalan si Juan na isulat ang bagay na ito (*Apoc. 10:1-4*)—**ang pagparito ng Panginoon.**

Iyan ang isang bagay na hindi pa Niya ipinapahayag, kung paano Siya darating, at kung kailan Siya darating. Mabuti na lamang at hindi Niya sinabi. Hindi. Ipinapakita lamang Niya o ipinapahayag ang bagay na ito sa pamamagitan ng bawat tipo sa Biblia.

Samakatuwid, **ang kabuuan ng Biblia ang kapahayagan ng hiwaga ng Diyos kay Cristo. Ang buong Biblia ay ekspresyon ng isang layunin na nasa isipan ng Diyos, isang layunin. Nais Niyang matupad ang kabuuan ng Biblia, at ang lahat ng mga gawa ng mga mananampalataya sa Biblia ay tipo at ipinapamalas kung ano ang dakilang layunin ng Diyos. At ngayon ay ipinahayag at ipinakita Niya ang bagay na ito sa huling araw** (*I Cor. 2:6-16*). At sa tulong ng Diyos, makikita natin ang bagay na ito rito: **ang bagay na nasa isipan ng Panginoon sa lahat ng panahon at kung paano Niya ito ipinahayag.** Samakatuwid, makikita mo ang dakilang kahalagahan kung bakit kailangan mo itong malaman upang maihatid ito sa mga tao. Kita

n'yo? At pagkatapos... Hindi ko pa naipaliwanag ng detalyado ang bagay na ito tulad ng pagpapahayag sa akin ng Diyos.

Kita n'yo? Ano ang ginagawa Niya?—**ipinapakilala Niya ang Kaniyang Sarili sa mga alagad na ito na ang lahat ng propeta, at lahat ng mga Awit, at lahat na ay Siya Mismo.** (*Lucas 24:25-47*).

Siya ang pinaka-Tema ng buong Biblia. Kapag binasa mo ang Biblia at hindi mo nakita si Cristo sa bawat talata Nito, balikan at basahin mo Itong muli. Kita n'yo? Kung hindi mo makikita si Cristo sa bawat talata ng Biblia, aba'y basahin mo Itong muli, sapagkat may isang bagay na lumampas sa iyo. **Ang Biblia ay si Cristo. Siya ay ang Salita.** Kapag binasa mo, "*Sa pasimula ay nilalang ng Diyos...*" nariyan si Cristo (*Juan 1:1-4*). Kita n'yo? **Simula sa bahaging iyan hanggang sa "Amen" sa Apocalipsis ay Salita na nagpapatotoo tungkol kay Jesus Cristo.** [3]

At ang mga bagay na ito na ating pinaguusapan ay **kailangang mahayag sa huling araw**, bago tumunog ang pakakak, sa dulo ng mensahe sa kapanahunan ng iglesia. Tama 'yan. Kung nais ninyong basahin iyan ngayon, maari ninyong buksan sa Apoclipis 10:1-7: "*At sa mga araw ng pagtunog ng mensahe ng ikapitong anghel, ang hiwaga ng Diyos ay mahahayag at matatapos na.*" **At isang bagay na lamang ang nalalabi kapag ang Pitong-selyadong Aklat ay nabuksan na, kung magkagayon ang lahat ng hiwaga ng Diyos, aba, pinagaralan natin ang bagay na ito sa loob ng maraming taon, at ayon sa Kasulatan walang paraan upang maunawaan ang bagay na ito maliban sa huling panahon, sapagkat ito ay nakatago.** Nakita natin ang mga simbolo, at kung ano ang isinisimbulo ng mga ito, ngunit maihayag lamang ito ng husto sa huling panahon. Kita n'yo? Ngayon, tayo ay narito na sa huling panahon na iyan.

Ngayon, alalahanin, **at huwag ninyong kalimutan ngayon na wala Siyang ibang gagawin kundi ang ipahayag ang bagay na ito; at huwag din ninyong kalimutan, na ginagawa Niya ito sa isang simpleng kaparaanan kung saan ang mga pantas at matatalino ay hindi ito maunawaan.** Ngayon, kung nais ninyong markahan iyan, iyan ay sa Mateo 11:24, 26. [4]

Ngayon, tutungo tayo sa ika-8 kabanata, sa Apocalipsis 8:1. At tulungan tayo ng Diyos sa langit, iyan ang panalangin ko. **Kailangan nating alalahanin na ang Ikapitong Tatak na ito ay ang wakas ng panahon ng lahat ng mga bagay.** Tama 'yan. Ang mga bagay bagay na nasusulat sa Aklat na may Pitong Tatak (**selyadong plano ng katubusan** bago pa man itatag ang patibayan sanlibutan), bawat bahagi nito ay matutupad. Ito na ang wakas; **ito na ang wakas ng naghihirap na sanlibutan. Ito na ang wakas ng naghihirap na kalikasan. Ito ang wakas ng lahat ng bagay. Nakapaloob diyan ang wakas ng mga pakakak. Ito ang wakas ng mga mangkok. Ito na ang wakas ng daigdig. Ito na rin ang wakas ng panahon. Wala ng oras; iyan ang sabi ng Biblia.**

Sa ika-10 kabanata ng Apocalipsis at sa 1 hanggang sa ika-7 talata. **Wala ng oras.** Ang sabi ng anghel, "Hindi na magluluwat ang panahon," sa mga araw ng katuparan ng dakilang bagay na ito. Ang lahat ng bagay ay nawawalan na ng sapat na panahon, sa dulo ng Ikapitong Tatak.

Pansinin n'yo, ito na ang wakas ng kapanahunan ng iglesia. Ito na ang wakas ng Pitong Tatak. Ito na ang wakas ng mga pakakak. Ito na ang wakas ng mga mangkok, at mag-ing ang pagpasok ng milenyum ay magwawakas na rin; iyan ay nakapaloob sa Ikapitong Tatak.

Tulad lang iyan ng pagpapasabog ng paputok sa alapaap, at ang paputok na iyan ay sasambulat rito, at ito'y papaimbulog, at pagdaka'y muli na naman itong sasambulat. Limang bituin ang susulpot mula rito. At sa bawat bituin na sasambulat ay limang bituin din ang susulpot mula rito; at pagkatapos ay magpapatuloy ito hanggang sa tutluyan na itong maglaho. **Ganiyan ang Ikapitong Tatak; ito ang tatapos sa panahon ng sanlibutan.** Matatapos na ang lahat ng panahon rito. Matatapos na... Ang lahat ng bagay ay magwawakas na sa Ikapitong Tatak.

Ngayon, paano Niya gagawin ang bagay na ito? Iyan ang hindi natin nalalaman, hindi ba? Hindi natin nalalaman. **Maging ang mga panahon kung kailan ito magaganap, at ang pagpasok ng milienyum ay hindi natin nalalaman.**

Pansinin n'yo, ***napakadakila ng pagbubukas ng Tatak na ito na ang langit ay napuno ng katahimikan sa loob ng kalahating oras.*** Ngayon, dakila ba ito? Ano nga ba ang bagay na ito? **Nagkaroon ng katahimikan: sa langit. Wala kahit na isang bagay na gumalaw sa loob ng isang oras.**

Ngayon, ang kalahating oras ay di gasinong matagal kung naglilibang, ngunit kung ito'y sa pagitan ng buhay at kamatayan, tila isa itong milienyum. **Napakadakila ng bagay na ito, hindi ito nagawang banggitin ni Jesus: wala isa man sa kanila. Ni hindi ito nagawang isulat ni Juan.** Hindi, dahil pinagbawalan siya. Kita n'yo, nagkaroon ng... **hindi niya nagawang makapagsulat, pawang katahimikan lamang ang naganap.**

At ang dalawampu't apat na nakatayo sa harap ng Diyos na nagpapatugtog ng kanilang mga alpa, tumigil sila sa pagpapatugtog ng kanilang mga alpa (*Apoc. 5:8*). Ang mga Anghel ay nagsitigil sa kanilang pagawit sa langit. Isipin n'yo, ang mga banal na Querubin at Serafin, na nakita ni Isaias sa loob ng templo na nagtataglay ng anim... o tatlong pares ng mga bagwis, tatlo sa—dalawa sa mukha at dalawa sa paa, at lumilipad (*Isaias 6:1-4*). At sila'y nasa harapan ng Diyos, na nagsasabi, **“Banal, banal, banal, ang Panginoong Diyos na Makapangyarihan sa Lahat.”** At kapag sila ay lumalakad, papasok sa templo, ang mga haligi ng templo ay umuuga dahil sa kanilang presensya. **At ang mga banal na Serafin na ito ay nagsitahimik. Tumigil ang mga Anghel sa pagawit.** Nagsisilipad sila sa Presensya ng Diyos, nagaawitan, “Banal, banal, banal...” at sila ay tumahimik.

Walang anghel na umaawit, walang papuri, walang lumalapit sa altar, wala kahit na ano. Pawang katahimikan, **tahimik na tahimik sa langit sa loob ng kalahating oras.** Ang lahat ng naroon sa langit ay nagsitahimik sa loob ng kalahating oras, **nang mabuksan ang hiwaga ng Ikapitong Tatak na nakapaloob sa Aklat ng Katubusan.** Pagisipan ninyo ang bagay na ito; **ngunit ito ay bukas na. Ang Kordero ang nagbukas nito.** Alam ba ninyo? Namangha sila sa bagay na ito, sa paniwala ko. Wala silang malay sa bagay na ito. Hayan na; tumigil sila. Bakit? Ano nga ba ito?

Ngayon, wala sino man sa atin ang nakakaalam; subalit sasabihin ko sa inyo ang **kapahayagan ko sa bagay na ito.** At ngayon, hindi ako kumikiling sa pagiging panatiko. Kung gayon ako, hindi ko ito nalalaman. Kita n'yo? Hindi ako umaayon sa mga bagay na “kadudaduda” o mga bagay na walang saysay at kathang isip lamang. May mga bagay na nasabi ko na marahil ay kakatuwa sa ibang tao, **ngunit kapag dumating ang Diyos at binindika Niya ang bagay na ito at sinabing ito'y Katotohanan,** kung magkagayon ay iyan na ang Salita ng Diyos. Mistulang

kakaiba yan sa ganiyang paraan. Kita n'yo?

At ngayon, samantalang nakatayo ako sa entablado ng ito ngayong gabi, **may isang bagay na ipinahayag sa akin... Ito'y nasa tatlong luping bagay. Na, ipapangusap ko sa inyo ang bahagi nito sa tulong ng Diyos.** Unahin muna natin ang bagay na ito. Diyan na muna tayo mag-simula. Heto ang kapahayagan... **Sasabihin ko na sa inyo kung ano ito.** Ang nangyari, yung mga kulog na kaniyang narinig at pinigilan siyang isulat, **doon sa pitong magkakasunod na kulog nakasalalay ang hiwagang ito.**

Ngayon, bakit? Patutunayan natin ang bagay na ito. Bakit? Ito ay ang lihim na walang sinoman ang nakakaalam. Pinagbawalan si Juan na isulat ang bagay na ito, kaya nga isinulat niya ito sa pamamagitan ng simbolo (*Apoc. 10:3-4*). Bakit? Ito ang dahilan kung bakit walang kaganapan sa langit; **marahil ay sa oras na ito isiniwalat ang lihim. Nakikita na ba ninyo ngayon? Kung ito'y lubhang dakila kailangan itong maging bahagi nito, sapagkat kailangan itong maganap, at iyan ay sa pagtunog ng pitong kulog... [1]**

At sa bawat panahon, kung nakikinig kayo sa mga tape, umaasa ako **na dumating sa inyo ang espirituwal na unawa** tungkol sa mga bagay na ginagawa ng Diyos sa iglesia **kahit pa nga hindi ito tahasang sinasabi.** Kita n'yo? Magkaminsan kailangan itong mangyari... **May mga bagay na kailangan nating sabihin upang sa pamamagitan nito, ay may mabawas, sa pamamagitan nito ay may ilang lalabas, o ang ilan ay aalis, at ang iba naman ay magisip ng maigi. Subalit iyan ay sinasadya. Kailangan iyang gawin sa ganiyang paraan.**

Marahil ang sasabihin ng iba, “Ibig mong sabihin sasadyain ng Diyos na gawin ang bagay na iyan?” ginawa na nga Niya. **At ginagawa pa rin Niya hanggang sa ngayon.**

Isang araw sinabi Niya, nung libu libo ang nakapaligid sa Kaniya; ang sabi Niya, “Mali-bang kanin ninyo ang laman ng Anak ng Diyos, ang Anak ng tao, at inumin ninyo ang Kaniyang Dugo, wala kayong Buhay sa loob ninyo.” (*Juan 6:53-66*).

Ano sa palagay ninyo ang sasabihin ng isang doktor o nars, o sinomang intelektuwal na tao sa pangungusap na iyan, mula sa isang Lalaki na may taglay na ganiyang uri ng ministeryo? Aba, sasabihin niya, “Kainin ang laman? Iyan ay kanibal. At ang uminom ng dugo, ito'y isang bampira. Sa ibang salita, nais Niya na tayo ay maging mga kanibal at bampira.” At ang lahat ng tagapakinig ay nagsilayo sa Kaniya.

At may samahan ng mga ministro na kasama Niya, **pitumpo sila na mga pinili.** At binalingan Niya sila, at ang sabi, “Ano ang iisipin ninyo kapag nakita ninyo na ang Anak ng tao ay nagpapanik panaog sa dakong pinagmulan Niya?” **Ngayon, hindi Niya ipinaliwang ang bagay na ito. Hindi Niya ipinaliwanag kung paano. Si Pablo ang gumawa nito nung huli. Sinabi lamang Niya ang bagay na ito. Kita n'yo? At nung ito ay... ang sabi Niya, “Ano ang sasabihin mo sa mga ministrong ito kapag nakita mo na ang Anak ng tao ay umakyat pabalik sa pinagmulan Niya?” [5]**

At hindi ko iniisip na ang langit ay isang uri ng dako na tulad sa dating kuwento sa akin ng aking ina. Sa paniwala ko ay iyan din ang kinamulatan ng iglesia. Ipinapalagay natin na gayon nga... Isa o dalawandaang taon, ang kaisipan ng mga matatanda kapag may namatay diumano ay didiretso siya sa langit, at pagkakaloban siya ng alpa, at uupo sa ibabaw ng ulap, at magpapatugtog ng alpa. Ngayon, nalalaman nila na mayroong isang dako na kung tawagin ay langit,

ngunit... Kung ganiyan nga, aba'y nakakalamang na ang ating mga musikero. Kita n'yo? Ngunit hindi ganiyang uri ng lugar 'yon. Hindi rin ito pagpapatugtog ng mga alpa. Hindi ako naniniwala na iyan ang turo ng Biblia. Ngunit iyan ay isang kaisipan **na taglay nila bago dumating ang kapuspusan ng Salita o ang pagbubukas ng Pitong Tatak na ipinangako sa atin sa kapanahunang ito.** Tsaka lamang natin ito mauunawaan. **Sa aking paniwala ang langit ay kasing realidad ng dakong kinalalagyan natin sa ngayon, sapagkat sinimulan ng Diyos ang espi-rituwal nating paglago sa dakong ito.** At sa aking paniwala ang langit ay isang realidad tulad ng kinalalagyan natin ngayon, hindi tayo uupo lamang doon sa loob ng eternidad at basta lamang mauupo sa ulap.

Magtataka ka kung bakit mo ito ginagawa. Ngunit di katagalan kapag lumago ka na, bilang isang Cristianong lumago, kung gayon ay mauunawaan mo na ito. Kita n'yo? May isang bagay na masasapo mo at mauunawaan mo kung bakit mo ito kailangang gawin. **Ang natural na kapan- ganakan mo ay tumitipo sa iyong espi-rituwal.** Lumalapat ang bagay na ito sa iyo. **Habang lumalago ka sa buhay na ito,** ang bawat bagay ay lumalapat na sa iyo, sapagkat ginawa ka dahil sa bagay na iyan (*II Pedro 3:18*).

Hindi ba isang bagay na kakatuwa nung gabi na ikaw ay nagiisip tungkol sa misyon, ang pagtitipon sa tolda, o ang munting simbahan doon sa kanto, at may isang mangangaral na nang- aral tungkol sa isang paksa, at nasumpungan mo ang iyong sarili sa altar? Kita n'yo, kita n'yo? **Alam na ng Diyos ang bagay na iyan bago pa itatag ang sanlibutan (Ef. 1:4).** Kita n'yo? Tila бага nakakapagtaka sa iyo kung bakit mo nagawa ang bagay na ito noon, ngunit ngayon ay nau- unawaan mo na. [6]

Pansinin, pansinin n'yo ito, may isang subasta minsan, at mayroon sila roong isang lumang violin. Maraming ulit na ninyong narinig ang bagay na ito, violin. At ang sabi ng nagsusubasta, "Magkano ba ang alok ninyo sa bagay na ito?" At dinampot nila ang lumang violin; tila wala itong halaga: nanlilimahid, at lahat na. ni wala nga halos tumatawad dito. Sa wakas may tumawad sa kaniya ng isang dolyar ata.

At may isang nakatayo doon na tila ba hindi kuntento sa gayong halaga, lumapit siya at dinampot ito. Hinaplos niya ito, dinampot ang panugtog at hinasa niya ito, at nagpatugtog siya. At samantalang tumutugtog siya, nagsimulang magiyakan ang bawat isang naroon. Hindi pa sila nakarinig ng ganoong tugtugin sa buong buhay nila.

At ang sabi ng nagsusubasta, "Magkano ninyo itong tatawaran?"

"Dalawang libo." "Limang libo." "Sampung libo." Kita n'yo? Ano ito? **Ipinahayag sa pamamagitan ng kamay ng isang maestro kung ano ang bagay na natatabingan sa loob ng lumang instrumento.**

Gayon din ngayon. Ang lumang Aklat, Ito'y gusgusin; pinagtatawanan, sinusunog, pinagtatawanan. Ngunit dumating na ang panahon na nagkaroon sila ng maka-denominasyong subasta, ang World Council of Churches. Sinusubasta nila Ito na tila walang anomang halaga. May isang maka-denominasyong subasta na darating.

Ngunit alalahanin n'yo na may isang lumang Aklat na nangako na mayroong mga predesti- nado, isang itinalagang kamay ang dumating isang araw, na ilaan sa isang layunin, ang **ipahayag ang mga pangakong nakapaloob sa bagay na Ito.** Mistulang luma na nga ang hitsura Nito, tulad ng isang bungkos na matatandang holy-roller, o anopaman; **subalit isang kamay lamang**

ng isang Maestro ang kailangan, ang Salita na taglay Nito, upang ipahayag ang Salita; at magiging higit ito sa isang holy-roller. Hindi ba't ganiyan ang nangyari sa bawat isa sa atin, hindi ba mga kaibigan? Hindi ito isang bungkos ng kung anong panatisismo. Depende iyan sa kamay na mayhawak ng panugtog. [5]

Nakikita ba ninyo Siya ngayon sa Kaniyang Salita at ang lahat ng Salita Niya na naha-yag mismo sa ating harapan? O, iglesia ng buhay na Diyos, manindigan kayo; sampalatayanan ninyo Siya sa lahat ng bagay na nasa inyo. Panghawakan ninyo ang munting Gulong sa loob ng isang Gulong. (*Ezek. 1:15-21*); **hayaan ninyong Ito ang humawak sa bawat kilos at galaw na gagawin ninyo. Bawat kaisipan na taglay ninyo, naway ito ang siyang kumuntrol sa pamamagitan ng Kapangyarihan na nasa loob ninyo, sapagkat ang Diyos ay nasa Salita Niya mismo sa oras na ito ng panggabing Liwanag, ipinapamalas ang Liwanag.**

Ang bawat talinghaga, saan man tayo magtungo maging sa kalikasan, sa Biblia, sa mga rebulto na nakita ni Daniel at sa hari nung araw na iyon, nakita nilang lahat iyon, at ang lahat ng mga bagay na ito, bawat anyo, bawat kilos, **bawat posisyon sa bahagi ng Katawan ay nagpapakita sa atin tungkol sa oras na kinabubuhayan natin.** Hindi isang pagkilos na higit na mata-as kaysa rito. May isang pagkilos tungkol sa pundasyon, si Luther. May isang pagkilos ng kamay, pagibig, si Wesley. Pagibig... Wala ng hihigit pa rito. **Ito ang nagturo sa pagkilos ni Wesley, nagsugo sila ng mga misyonero sa buong sanlibutan.** Isa ito sa pinakadakilang pagkilos na naganap noon. Pagkatapos nito ay dumating ang **kapanahunan ng Pentecostal;** at pagkatapos ay dumating naman ang pagkilos ng iba't ibang daliri at mga bagay bagay, ang mga sa kapanahunan ng Pentecostal, at ilong, at lahat ng iba pa. **Ngayon, ito'y nasa mga mata na.** Anong buti na mayroong Liwanag, kung wala ka namang mga mata na makakakita. Kailangan muna ng mga mata upang makakita, at kapag nangyari na ang bagay na ito, **binuksan na Niya kung gayon ang Pitong Tatak at ipinahayag ang panggabing Liwanag, hinagilap ang lahat ng mga hiwagang naitago sa buong kapanahunan ng mga iglesia at ngayon ay ipinahayag ang mga ito tulad ng ipinangako Niya sa Apocalipsis 10:1-7.** Narito na tayo ngayon nakaupo sa gitna ng Salita, at ang Salita na nahayag sa atin sa pamamagitan ni Jesus Cristo. **Ito ang Salita ng Diyos.** [7]

Nung narito pa sa ibabaw ng lupa ang ating Panginoon, tinanong Siya ng mga alagad at ang sabi, “Guro, isasauli mo бага ang kaharian sa Israel sa panahong ito?” (*Mga Gawa 1:6-8*).

At ang sabi ni Jesus, *“Hindi sa inyo ang pagkaalam ng tungkol sa oras o kapanahunang ito.”* At walang sinoman ang nakakaalam, maging ang Anak, nung oras na iyon, ay hindi nalalaman.” Ngunit pagkatapos ng Kaniyang kamatayan, libing, at pagkabuhay na mag-uli, at pagakyat Niya sa kaluwalhatian, **tinanggap Niya mula sa Diyos ang kinabukasan ng iglesia.** At bumalik Siya upang ihatid ang Mensaheng ito sa iglesia, **at ang Mensaheng ito tungkol sa Kaniyang pagdating at sa kalagayan ng Kaniyang mga iglesia** sa buong kapanahunan.

Hindi Niya nagawa ang bagay na ito bago Siya mamatay, malibing, at mabuhay na maguli, sapagkat hindi pa Niya nalalaman ang bagay na ito. Ngunit napuna ba ninyo kung ano ang nakalahad sa Kasulatan tungkol dito?

“Ang Apocalipsis ni Jesus Cristo, na ibinigay ng Diyos sa Kaniya...” (si Cristo),...

Kung paanong ipinagkaloob ng Diyos na Ama ang kapahayagan sa Kaniyang Anak na si Jesus Cristo. At sinugo Niya ang Kaniyang Anghel kay Juan upang ipaalam ang mga bagay na nangyari, nangyayari, at mga bagay na mangyayari. Oh, napakaganda ng bagay na ito (Apoc. 1:1-2). [8]

At ito ang ministeryo na pinagkaloob Niya sa akin. At **ang kaloob na ito ay upang yanigin ang iglesia at dalhin ito sa isang pagkaalam tungkol sa pagdating ni Jesus Cristo, ang panunumbalik ng Espiritu ng Diyos sa iglesia. Ito’y nasa inyo, ang Espiritu mismo.** Marahil ay hindi kaparehong kaloob, ngunit ang Siya ring Espiritu. May iba’t ibang manipestasyon, ngunit Siya ring Espiritu sa lahat ng panahon (*I Cor. 12:4-11*). Ang Banal na Espiritu na taglay ninyo ay Siya ring Banal na Espiritu na taglay ko, isang Banal na Espiritu lamang ang taglay nating lahat. Ito’y nasa lahat ng mga anak ng Diyos. [9]

Ang aking ministeryo ay iba sa ministeryo ng isang pastor o guro. Hindi ako gayon. At kung may nasasabi akong mga bagay na mali, mga kapatid, patawarin ninyo ako. Hindi ko ito sinasadya. **Ngunit ang aking ministeryo ay ang ipakilala Siya, na Siya’y narito na.** [10]

At nangusap Siya sa akin doon at ang sabi, **“Ang Pitong Tatak ay mabubuksan na. Ang pitong hiwaga, pitong luping hiwaga ng Biblia na nakapinid mula pa nung itatag ang sanlibutan ay mahahayag na.”** At tayo, bagamat isang maliit na kalipunan lamang kung ihahambing sa sanlibutan, **tinatamasa natin ang mga biyayang ito at napapakinggan ang mga hiwagang ito: Kasalan, Diborsiyo, Binhi ng Serpente. Ang lahat ng iba’t ibang katanungan ay nabigyan ng ganap na katugunan sa atin, hindi sa pamamagitan ng tao kundi sa pamamagitan Niya Mismo, na nagbukas ng pitong mga hiwaga tungkol sa kalagayan ng iglesia noon, kung ano ito sa paningin ni Cristo sa pasimula, at kung paano ito mahahayag sa huling araw.**

Alalahanin. Masdan ninyo kung ano ang nakita natin sa araw na ito. **Ang Kapangyarihang Nagbibigay Buhay ay dumating sa atin upang buksan ang Pitong Tatak.** Ano iyan? Talino lamang ba ng tao iyan? Hindi, Kapangyarihan iyan ng Diyos na Nagbibigay Buhay. Kita n’yo? Ang Kapangyarihan ng Diyos na Nagbibigay Buhay ang nagsabi na magaganap ang bagay na ito. Kita n’yo? Ngunit ang Kapangyarihan ng Diyos na Nagbibigay Buhay ang nagpapatotoo tungkol sa bagay na ito, ito’y Katotohanan. **Ang Anghel ng Panginoon, na binabanggit ko sa inyo ay narito, ang Haliging apoy na iyon, ang Kapangyarihang Nagbibigay Buhay, nawa’y ipatotoo ng sanlibutan na ang bagay na Ito ay Katotohanan.** At hindi nila nalalaman kung ano nga ba ang bagay na Ito, at tayo na nakatingin sa dakong ito... at ito’y ang Panginoon na naroon sa itaas. Kita n’yo?

Siya ang Isa na nagbukas ng mga Tatak na iyon; Siya ang mga Tatak na iyon. Sa-pagkat ang buong Salita ng Diyos ay si Cristo, at si Cristo ang mga Tatak na nabuksan. Tungkol saan nga ba ang pagbubukas ng mga Tatak? Pagpapahayag tungkol kay Cristo. At ang pitong Anghel na ikinatawan sa Pitong iglesia ay natapos na, gayonman ay hindi pa rin natin Makita ang bagay na Ito. Sila ang kumuha ng larawan, hindi naman tayo. At naroon at nakatayo Siya, isang kataastaasang Hukom, ipinapakita na Siya ang Alfa at Omega, ang Pasimula at ang Wakas. Isang pagkakakilanlan!

Buweno, kung ipapaling ninyo ang larawan ng pakanan at tignan ninyo (marahil ay matatanaw ninyo ito sa gawing kinalalagyan ninyo), **ito'y si Cristo**. Nakikita ba ninyo ang mga mata na nakalingon sa gawing ito at ito'y isang sakdal na sakdal, nakasuot siya ng puting wig ng kataas-taasang Diyos at Hukom ng buong langit at lupa? Nakikita ba ninyo ang mga mata Niya, ilong, at bibig Niya? Ipaling lamang ninyo ang larawan sa gawing ito (gaya g ginawa nila), paganito, kung paano dapat. Nakikita na ba ninyo ito? Siya ang kataastaasang Hukom; wala ng iba maliban sa Kaniya (**Rev. 1:12-16**). At iyan ay isa na namang dakilang pagkakakilanlan, **isang bindikasyon na ang Mesaheng ito ay tunay**. Ito ay totoo. At hindi natin Siya ginagawa na ikatlong persona lamang, **bagkus ay Siya ang tanging Persona** na may puting wig...

Ang Kapangyarihang Nagbibigay Buhay ang gumawa nito sa atin. **Ang Kapangyarihang Nagbibigay Buhay ang nagpapakita sa atin tungkol sa Kaniyang pagdating**. Inagaw tayo ng Kapangyarihang Nagbibigay Buhay mula sa kamatayan patungo sa Buhay (Juan 5:24). [11]

Reference:

- [1] "The Seventh Seal", Seal's Book pg. 536/575/555-557
- [2] "The Third Seal", Seal's Book pg. 238
- [3] "Christ Is The Mystery Of God Revealed", pg. 16-19
- [4] "The Second Seal", Seal's Book pg. 187
- [5] "Unveiling Of God", par. 22-26/347-352
- [6] "Things That Are To Be", par. 40-42
- [7] "Christ Is Revealed In His Own Word", par. 161-162
- [8] "Revelation Chapter One" (60-1204M), par. 80-84
- [9] "Be Not Afraid" (62-0620), par. E-85
- [10] "From That Time" (62-0713), par. E-102
- [11] "Rising Of The Sun", pg. 2/45

Spiritual Building-Stone No. 179 from the Revealed Word of this hour, compiled by:
Gerd Rodewald, Friedenstr. 69, D-75328 Schömburg, Germany
www.biblebelievers.de, Fax: (+49) 72 35 33 06

There's coming one with a Message that's straight on the Bible, and quick work will circle the earth. The seeds will go in newspapers, reading material, until every predestinated Seed of God has heard It. [Bro. Branham in „Conduct-Order-Doctrine“, page 724]